

近代中國史料叢刊第三十二輯
沈雲龍主編

星 軺 日 記

沈炳垣著

文海出版社印行

沈文節公
星輶日記

WCH 100

光緒十有一年
刊於蜀南道署

沈文節公星軺日記序
歲癸未，余筦筭事於澶州，與沈
絜、繇觀察時相過從，出示其尊
心文節公事實，丰謚恭誦再三。
竊歎其咏楊忠愍公諫艸亭詩
尤剛勁清拔，忠義之氣勃不可

過若豫為後日示之堦者心甚
歛出今丰復出示公咸豐二丰
使蜀時星軺日記一卷雖隨手
記錄之言而直抒所見藺淨盾
實不為枝葉出語於風信物產
尤段 = 致意非徒流連光景模

範山水、託興於詞章、家言已也。
觀察言公他文多有散佚、獨此
卷展轉數十年、手蹟完好無損。
余謂志節之士、文章筆札、在
若有神物護出、往余讀、曾文正
公書周忠介公手札、後言乾隆

四十二、率史忠正公絕筆一紙、
曾樛勒於揚州梅峯領祠、
忠愍公手書、
師松筠庵祠中、
頃得周忠介公
被逮時手札、
與楊史一轍、
號為
三仁、
以為忠臣志士、
或鬱屈於

一時其精光終將大顯於後、不
可得而闕也、今觀公出日記、與
三公何異、因亟請觀察刻附公
事實、後俾後之讀公書者、流連
感歎、與讀三公書者、同生其廉
頑立懦、出心亦裨助世教之一

端也。文字云乎哉。光緒十一年
歲次乙酉七月桂陽夏普謹序

沈文節公星軺日記序

曩在京師，聞士大夫稱嘆咸豐朝詞臣之殉難者三人，一湖北學政馮公培元，一安徽學政孫公銘恩，其一則廣西學政海鹽沈文節公也。然但略悉公之就義，視馮孫兩公為烈，而大賢之嘉言懿行，恨不得其

一二、以寄敬仰、洎奏調來蜀之四年、光緒
癸未秋、公喆嗣潔齋觀察蒞永甯道任、傾
蓋如舊相識、始幸得公事實一冊而讀之、
內載家書數通、精忠之氣溢於言表、生死
之念灑然襟懷、凡所喻脩身砥行、知止寡
營、進子弟於道德之林者、尤非潛味、儒先

遺訓有年、不能言之、懇到若是、然後知臨
大節而不奪、誠未可取辦、倉卒閒也。駿嘗
別錄癸丑家書於簡、朝誦而夕諷之、欲綴
數語、以質潔齋而未果、今復示以公典試
四川時、星軺日記一卷、質直簡古、不假雕
飾、與家書筆墨一色、而敘途中風景之變

幻山川之雄竒、有少陵詩、吳道子圖畫所
不到者、至於先哲之祠墓、必記、疆域之形
勝、必記、地土之肥磽、必記、民俗之勤惰、必
記、年穀之豐凶、貴賤、必記、市量之大小、異
同、必記、則又知公之神存經務、有待異日
之設施、昔孫文定公初作南游記、迨後出

入將相無一不酬其所云公乃卒以節見而不獲竟其志如文定亦可悲矣公之記此特以備遺忘非欲流傳世間然平生著述既已罄諸煨燼則此日記一編何啻吉光片羽甚願潔齋速付手民刊布俾人士之敬仰大賢如駿者並得早慰飢渴蓋不

僅為益州星使導之先路已也光緒十一年歲次乙酉秋七月朔後三日清鎮文天駿謹識并書

星輶日記

咸豐二年壬子五月二十八日戊寅巳刻接禮部知

會次日謝恩又知會起程前一日赴軍機處

恭領繙譯題及兵部領勘合翰林院送盤費印領

來拜徐松龕前輩

因未投帖故先拜

二十九日卯初進長安門至午門外禮部朝房聽候

宣旨辰刻儀制司主事一人捧紅本禮部侍

郎一人西向宣旨四川正考官著徐繼畬去

副考官著沈炳垣去宣畢向午門行三跪九叩禮

自寅正至卯正大雨袍袿盡溼路上水壅不能拜

客卽回寓

六月初一日、庚辰謁侯葉唐師、楊簡侯師、周芝臺師、李晴川師、又謁穆鶴舫師、未值、禮部送科場條例來、

初二日、初伏託戶部錢拜翁領盤費、初八日領到二百兩、巳刻

下園謁許滇生師、又謁賈筠堂師、未值、

初三日、發家信、侯師送貂馬鞋等件、

初四日、同邑諸君公餞、飲極暢、楊師送欸扇等件、

初五日、朱蓮洲送勘合來、晚刻黃菴園貢荆山巖緇生諸同年、在周鍊霞寓公餞、

初六日早李晴川師處飯晚癸卯同府同年公餞在
徐芝船寓黃韻珊贈詩畫扇

初七日大暑錢子方處晚酌

初八日卯刻兵部來官馬九匹自雇馱子三頭帶前
站一人押行李二人跟轎二人轎夫頭一人辰刻
裝行李巳初起程午正至長新店尖申初起身酉
初至良鄉住其行七十里公館近附城牆縣令薛
榮差人來接送天晴有涼風

初九日卯初早麪後起身辰刻至寶店尖午初起身
未正至涿州南關住其行七十里州牧郭寶勳差

人接天晴午後稍熱

初十日寅正起身四十五里至高碑店尖新城縣界又二

十五里至定興縣住共行七十里縣令周子溍同

年灑甲辰進士乙巳殿試貴州人帶壯勇出接到公館見敘談

片刻天晴下午熱

十一日中伏丑正起身縣令派壯勇燈夫送行十里

渡北河即白溝河有渡船又三十里至固城道旁有徵君

孫啟泰先生講學處碑又有燕昭王黃金臺故址

碑又三十里至安肅縣尖縣令羅孫雲錦雲差人

迎送尖後二十五里至漕河憩道旁慈航寺謁方

恪敏公祠

直隸總督
諱觀承

自定興至安肅居民有紡紗

者紡車與江南相似又二十五里至保定府住其

行百二十里總督訥相國仁差人送菜藩臺陳竹

伯

啟邁

臬臺周景垣

啟運

兩前輩俱來公館清河

道譚竹厓前輩清苑尹王蔭堂七兄

榕吉

晤談各

片刻錢艮山同鄉亦至天晴熱

十二日寅正起程行約三十里道北有周燕昭王賢

士郭隗先生故里碑又十里至涇陽驛在滿城縣

南四十里地無公館無店即在馬廐中鋪設一間

小住縣令陳

廷鈞

差人接尖後行十里許過方順

橋又三十五里至望都縣其行八十里住城內康

衢書院又名龍泉書院自方順橋迤南至十里舖多荷花

天晴熱間有涼風縣令劉同年禮中不見不具帖

十三日子正起身三十里至清風店小憩又三十里

至定州多賣眼藥舖州牧劉衡湖南善化人晤談片刻尖後行

三十里至明月店又二十里至新樂縣時未正其

行百一十里道旁有羲皇聖里石碑新樂縣令李

登岸差人鼓吹接送卯辰間有小雨未後晴

十四日丑正起身四十五里至伏城驛尖正定縣界正定

縣令石元善安徽宿松人差人接又四十五里至正定府

其九十里，石令郊迎太守寶

麟

司馬訥

齊馨

差人

接入城，又七里鼓吹進公館，地甚開敞，三君皆來會，石令乃松龕前輩年姪也。卯刻小雨，申酉間復雨，天涼。

十五日寅正起身，石令來送行辭之，遂派民壯護送

出南關，路甚泥濘，在泥水中行十里

如出西關則近而好走，轎

夫誤聽縣令在南關送，故出南關

渡滹沱河，河深五六尺，寬數丈

道北沙灘四五里，中有渡船，過河後地漸高曠，田中有種瓜果者，春夏間已收麥，有種高粱，僅二尺餘者，名晚田。又行三十里，至獲鹿縣二十里鋪，又

十里漸入石徑晨起雨霽天涼午刻晴熱又十里

至獲鹿縣其六十里縣多業布縣令華貴郊迎在

店中作館鼓吹入此後皆如是華令來見時未初二刻

十六日子丑間雷雨辰初雨止啟行一路峯巒環列

坡陀上下行輿添緯夫六名約行十里至陘山地

界道旁有漢淮陰侯背水陣處碑又二十里至東

天門門旁有趙守將白面將軍祠碑又十里至微

水鎮渡河水淺道旁小憩行半里許又渡河河水

自東南而西北流甚急河名綿蔓到時本應再渡

未過又行三十里至井陘縣東關其七十里驛館

大而破有危樓五間與松龕前輩同居其下縣令
姚藍生同年玉田來談片刻山路延緣忽上忽下
泥窪處積水難行到時已酉正矣下午熱十五六
兩日俱未尖

十七日丑刻雷雨大作急披衣起床上已有屋漏痕
樓上時墜磚瓦辰初雨止遂行過河二十五里至
古桃園鎮又十里至固關鎮又五里至甘桃驛又
二里過固關入山西界自起程至此共七百八十五里直隸境固關
眾山環繞中隔二三丈疊石爲關勢甚牢固畿輔
西南之門戶也又十里至槐樹鋪尖又二十里至

西天門又十里至柏井驛共八十里井陘縣及平定州屬山民多穴居又多疊石爲屋山閒堆石成岸蓄土爲田有多至十七八層名梯田驛館在山巖中晚甚涼是日見邸抄知浙江等省試差

十八日寅正二刻啟行天晴涼出門行數十步山徑漸仄巖上鐫青玉峽三字路旁多小心山水石牌土人云此地每逢陰雨山水頓長數丈斷不可行只看東北黑雲卽恐上游多雨不必本地下也盤旋而下十餘里地漸平曠始見村落五十里經平定州城中頗繁盛館西關外尖後卽行州牧錫麟

差人接送五里至南天門又五里至義井又十里
至平潭驛又五里賽魚村又十里至辛興灘水甚
急陰雨不可行孟縣界又五里至坡頭又五里至測
石驛其百里縣令康孔昭差人接住山上密房磚
石疊成如大壙粉壁窗戶外架瓦作簷庭前設綵
幄忽聞屋上人語至中庭仰觀雞犬往來又別有
人家矣是日涉水約二十次

十九日子丑閒雨卯正二刻雨止行晉撫兆差武弁
二人一路送行兆公乃松龕前輩在福建時曾保
薦者也行數里至狼峪村道旁有禁止掘土石牌

蓋壅土所以成田山徑亂石亦頗塗附也自測石
至新村十里至張淨又十里有晉文子祠又十里
至芹泉汎換馬十里至七嶺汎十里至壽陽縣東
關外縣令黃承祐來見尖後出西關行五十里至
大安驛仍是屬壽陽縣界共行百里有公輸子祠自辛興
以西地略平坦緯夫沿村更換每入一村了髻小
兒有爭來附緯飛行者是日天陰晴晚閒小雨
二十日卯正啟行數十步有韓文公詩亭三十五里
至石鐵鎮尖屬榆次縣界午後又行三十五里至王胡
鎮其七十里鎮市頗繁盛離榆次縣十里縣令李

仙根二兄

崇蟠

來見屋宇寬大並送西瓜二枚因

天涼未食榆次瓜貢物也寄家信附松龕前輩信內託晉省摺差帶京榆次多煤京中煤舖皆榆次人也石鐵所造車轍比尋常長尺七八寸許近縣多用之過韓侯嶺方換短轍

二十一日卯正二刻起程四十里至永康鎮尖又十

五里渡同戈河河水至膝無渡船河夫肩輿過河

此

如遇水漲不能過俟水退甚遲

行五里許徐溝縣排隊迎又十里

許近城共七十里縣令賈

聯芳

出迎繞城至西關

外住時未正賈令來見天陰涼自石鐵以西地平

衍田中秋花益茂晚小雨

二十二日立秋卯初二刻行小雨未歇三十里至魯村小憩又三十里至祁縣道旁有舅犯故里碑雨仍未歇路泥濘極難行到時未正尖後即行雨止三十里至淇善村天黑張燈行至平遙縣二十里路甚長其百一十里東門已閉繞小東門入約行七八里驛館極大到時亥正

二十三日晴卯初二刻行三四里出平遙小西門至

張蘭鎮尖

屬介休縣界

凡行三十五里尖後行三十五

里道南有漢郭林宗墓前有古槐一株下后牌鐫

漢槐二字道旁有一亭上懸遵道亭匾下有乾隆
癸卯知縣范滋德題聯云從那裏忙碌碌帶些塵
來到這廂間坐坐喫杯茶去又十里至介休縣其
八十里進東關有文潞公祠高房大戶甚多飲汾
酒二杯香味頗佳介休一帶村居富人造屋如城
有某堡之稱松翁云祁縣太谷平陽皆然西省精
華類聚於此

二十四日丑正啟行二十里至義棠鎮又三十里至
兩渡尖屬靈石縣界尖後行三十里至靈石縣又尖換
夫馬縣令朱堯峰大兄煥廣西臨桂朱同年細之堂兄出郊迎送

午刻過韓侯嶺嶺多土道故行路尚不甚難峯嵐環列迤邐上下各二十里村落甚少樹木亦稀緣山而行西北一帶河流南下汾河也汾水自寧武發源歷太原霍州平陽西南而下至河津入河約長八百里未正至仁義鎮住其二百里仍是靈石縣界是日上午天陰下午晴不熱

二十五日寅初啟行鎮無火把以鐵斗實柴火照行過逍遙嶺三十里至師莊小憩又三十里至霍州北關外有霍山書院院前一鐵牛臥石橋上尖後迎霍山行仍繞汾河五十里至趙城其百一十里

城外有趙簡子食邑碑及趙上卿藺相如故里碑。天晴午後熱自霍州至趙城居民鮮大戶沿路有丐錢者。

二十六日卯初行三十里至洪洞縣普潤驛尖食汾河鯉魚佳尖後行三十里至羊獬汛道中有瑞羊生獬處木牌又三十里至平陽府臨汾縣共九十里太守何繡塢秦天人郊迎談片刻入府境地平曠民

俗近古多水田路與田平恐雨後必不能行是日天晴午未間甚熱太守送點心西瓜來甚佳。

二十七日丑初行四十里趙曲小憩襄陵縣界二十里至

史村驛尖

太平縣界
縣令章澗

館甚高大史村南有古義士

橋

卽豫讓橋前過
趙城亦有之

尖後行十五里至伯虞村道旁

有虞名臣伯益故里碑道中有東望箕山木坊又

二十五里至高顯鎮小憩天晴甚熱食西瓜不佳

又三十里至侯馬住其百三十里途中遇小雨到

時戌正地頗潔淨有店舖屬曲沃縣縣令王筠

二十八日卯正行五里過澮水橋橋東北有節婦津

石碑又十五里至隘口鎮道旁石碑有字數行遙

望之有晉曲沃之新田境又十五里至古翬鄉有

唐晉公裴度故里宋豐公趙鼎故里兩后坊東西